

輓聯

抱救國安民之宏願百折不撓政見雖彼此是非奕世自應有公論
荷推心置腹之恩知高深無補時機經艱難締造及身恨未竟全功

實業部總長張景惠

宗忠簡三呼渡河長使英雄淚滿

岳武穆一身報國足令奸宄心寒

實業部總長張景惠

三尺劍有傳人敢信未消龍虎氣

十州鐵鑄成錯不堪卒讀香令詩

吳泰來

戶牖之下衽席之間自古非英雄死所

剝極則復否極則泰從今開家國生機

湯爾和

哀輓錄 輓聯

救民愛國舉世同欽作事如白日青天至末命乃愈見矣
息邪距詖我公素志肆毒若洪水猛獸願後人有以禦之

袁金鎧

公具大有爲雄姿陳善閑邪憾往日尙多未當

天降不可思劇變驚心動魄迄今時彌爲難堪

袁金鎧

以尊賢愛人爲懷以好大喜功爲戒元老遺箴言不負相期鄭重
守保境安民之訓守親仁善鄰之規承先循正軌庶幾仰慰英靈

袁金鎧

公有恒言舍我皮囊詎料竟成讖語

國方多難拯民水火無復再見斯人

東三省鹽運使 翟文選

討共討赤許同仇禮義廉恥之維未墜於地

救國救民留遺愛聰明正直而一歿則爲神

第一方面軍團長 孫傳芳

徒抱一家熱心萬方多難天胡不厭
竟成千古遺恨三矢有言我亦勉旃

第一方面軍團長 孫傳芳

與總理生前爲友述志有人能令櫓槍化日月
當中原多事之秋捍邊最力每從遼海想旌旗

李宗仁

開國舊功高千古英雄同涕淚

傳家遺澤永一時金石見交情

姻愚如兄曹 錕

日出事還生身後雍門餘涕淚
人亡邦亦瘁眼中廣武失英雄

梁鴻志

是誰壞萬里長城請看滿腔熱血悉灑作國脈精神他年班馬汗青天上
日星地上河嶽
纔立定中流砥柱緣愛同胞苦心且謹遵家風爭讓際此磨蝎討赤一哭
公慟再哭私交

王占元

識面在遼東論知機應變之才久著殊勛真健者
盛名留海內以保國安民爲志至今生氣尙凜然

張文生

在天星辰在地河嶽
生而爲英死而爲靈

督辦直隸軍務
第七方面軍團長 褚玉璞

逐鹿定中原統貔貅沐雨櫛風伐罪弔民償素志

飛龍臥滄海與袍澤臥薪嘗膽安邦靖難慰英靈

督辦直隸軍務善後事宜 褚玉璞

旋斗運樞禦侮致福

金梁鐵柱為國寵光

褚玉璞

救民救國卅載德深後死敢忘偷息責

丕顯丕承六軍感激復仇方慰在天靈

第七方面軍團長 褚玉璞

抱統一心利民利國

任天下重為英為靈

奉天省長翟文選

黑龍江保安司令萬福麟

是大英雄能重邱山各垂宇宙

哀輓錄 輓聯

有丈夫子世承旄鉞身繫苞桑

黑龍江督辦軍務善後事宜 萬福麟

凡我國民如喪考妣

合軍將士痛感山河

東三省兵工廠

總辦 楊式毅
督辦 楊宇霆
會辦 翁之麟

戡亂於共和革命之間奮不顧身竟舉鉅難投眾將

傷心在生榮死哀以外沒而猶視待看後起繼前功

減式毅
翁之麟

綜平生憂國憂民被髮撻冠借箸代籌常側席

幸哲嗣善繼善述臥薪嘗膽戎衣伏劒慰英靈

東三省兵工廠總辦 減式毅

唯公乃捨身救世夫復何言若論福利國民婦孺皆知四海共應垂涕道

有子能遺大投艱可以無憾迴憶參謀帷幄涓埃未報九原猶覺負恩多

臧式毅

爲國犧牲公心可白於天地

乘車猝變史冊垂青於古今

江朝宗

盡有精靈裨海嶽

早將經濟許乾坤

郭宗熙

體質素康強方期克享遐齡常聯歡笑

音容甫睽隔倏爾驚聞噩耗曷勝悲哀

大和親命駐華全權大臣 歐登科

夙甄勛績推英武

聞矢精誠盼太平

徐世昌

其生榮其死哀大業未終猶有宏規傳百世
父作之子述之中原奠定莫忘告廟慰先靈

軍事部長 何豐林

誠心愛民事實具在遺愛猶存德澤所及今昔弗諼徧觀黎庶家室有慶
享幸福

誓志討赤功尙未竟騎箕而去噩耗傳來昕夕揮淚痛哭英雄苔岑相契
更何人

參 議 趙 倜

大厦本將傾何堪棟折榱崩車到鐵橋悲豫讓
國難猶未已更望父作子述勛銘銅柱繼文淵

教育總長 劉 哲

一身繫全局安危綏民保境永念前勞嘉惠難忘錢武肅

萬事爲六卿表率酌古準今常留遺德深恩同哭李臨淮

交通次長常蔭槐

薤露悲涼懷舊雨

雲車縹緲黯靈旗

友生段祺瑞

龍跳虎臥俯仰無儔寰宇企大同氣蓋羣倫獨高一世
地坼天傾安危孰仗涓埃慚未報愴懷萬狀奚慰九原

省長劉尙清

有孫仲謀繼體英雄憂患可興邦願文臺毋復多恨
與祖士雅共圖恢復河山今異昔豈周顛一哭了之

如小兄吳佩孚

生有自來霄漢一星沉北極

師猶未捷河山半壁付佳兒

哀輓錄

輓聯

如姪曾毓雋

束髮從公會經百戰灑淚對山河締造艱難思手澤
熱心救國忽隕大星盡忠衛桑梓轉移禍福仰神靈

張作相

隨公卅餘年知己感恩未報涓埃空雪涕
用兵十七載翻雲覆雨忽蹶劍馬最傷心

沐恩張作相

平生心事劇光明方期治定功成偕我同尋入山約
百戰聲威如夢幻此日素車白馬哭君總恨到門遲

靳雲鵬

邊陲重鎮肆應機牙勝算何殊趙充國
帳下奇兒風雲鼓角英名今並李沙陀

張弧

錢武肅保吳越秦苻堅志中原並世孰堪儔遠蹶高張九萬里神州莽莽
古亶父遷國心博浪沙副車禍救時公驟去雲翻雨覆十七年天道茫茫
項羽乃天亡江左無顏見父老
鴻章爲世詬馬關一刺定生平

王迺斌率子家瑞珠

東北憲兵司令 陳興亞

其崛起類明太祖其豪放類漢高帝使處於專制時期何難創立大業奠
定邦家乃以順應新潮自宜趨重民治王霸顧成歷史物彼列寧斧將禍
華夏危險堪虞恨討赤無功屈指羣雄誰作主

吾深戒爲拿破崙吾直諫爲華盛頓惜悞於陳橋事變愈信武力萬能足
資統一孰意引來外患敢不速息內爭尊榮方當敝屣拋而博浪椎連中
副車人道安在幸強吳有子竚看光武再中興

陳興亞

奠東省於磐石苞桑無思不服一旦大星沉百萬軍民同下淚
視中原可囊括席捲有志未成千秋遺恨在九重天地爲招魂

前奉天學務總理晚生世 榮

關東久望雲霓翹首我公歸虎豹韜鈴欣戾止

天外遙瞻旄鉞大星中夜隕龍蛇歲月恨何如

齊耀琳

項城許爲奇士遂赫赫作國干城十七年三省救平偉績遙傳早有勳名
留史策

中山曾與聯盟尙昭昭在人耳目二千里一朝歸去苦心若揭忍教時勢
造英雄

齊耀珊

崛起田間是謂名世廓清宇內是曰有爲天不惜英雄致令統一國家駿
業垂成身竟隕

鞭先我著趨步無從箸代公籌涓埃無補人難回氣運坐看大千世界妖
氛未淨憾猶遺

姻愚弟鮑貴卿

畢世荷幘幪忽聞變起倉皇感憤豈惟一哭
苦心救家國莫論事歸成敗是非自有千秋

熱河都統湯玉麟

父老正郊迎石破天驚垓下忽傳騶不逝
英雄空掩涕時移世改遼東惟見鶴歸來

田中玉

遼水弔英靈太息公孫被繫隻手頓揮玄德淚
峴山追悼事賴有伯符繼起九原應慰文臺心

白崇禧

南海北海風馬隔中州方期統一告成把臂共商天下事

外亂內亂春秋別華夏何意大千世界喪心殲我萬夫雄

李濟琛

當代第一人主闡仗旄允矣虎狼匿迹烽烟盡息詎知上天不遺元老光
沉斗宿全國銘碑皆有淚

世界奇男子登壇秉節快哉颯颯潛形碧海同清不料下界忽萎偉人山
覆嶽嵩寰宇保障竟無人

十五師步兵十六旅三十六團二營八連全體官兵

京津浦江河漢是否勢力範圍想戎馬干戈蓄志無非討赤
吉奉黑熱察綏終邊訃書傳到看馨香俎豆興悲倍切故鄉

韋河縣農務會

京津路上戰壘猶新傷哉天不假年驚看台星沉碧落
山海關前征塵宛在今也魂歸何處爭揮血淚灑紅塵

韋河縣農務會長

曹景照
連承嚴

阨運禍英雄國喪元戎哀思動長天更賴誰克展龍韜扶持正氣
殊恩沾草木蘿施松柏悲懷無已日所幸有貽謀燕翼繼續宏規

安東關監督 姚啟元率男錫濂

功高三省威振六軍征戰著先鞭詎星隕山頽自是天心未厭亂
佛繡萬家謀貽百世保安垂後訓果河清海晏教民意有餘哀

白銘鎮

赤禍瀰漫中原鼎沸隨節鉞以捍衛燕京爲國爲民公當不朽
蒼生殄瘁徧地瘡痍仗義師期消平浩劫善無善果天道難論

四十七旅旅長 鮑毓麟

統海陸全軍志安華夏戡亂家邦憶昔年經略蒙疆治敷哈庫箕雨畢風
同霑化

膺中原大任力挽狂瀾拯民水火痛此日覆翻天地遽喪元戎白山黑水
亦銜悲

哀輓錄

輓聯

八

前外交部特派察哈爾交涉員 關鴻翼

廿年憤羣雄角逐願犧牲身家以早謀統一曾幾度整軍經武迨後赤氛
遍地當卽赫然蒞都力圖掃除本擬爲民造福詎料外患突張乃通電慷
慨退兵使華夏奠安我大元帥彼時表志剖懷誠非常光明磊落
數日痛濟案發生甘拋棄嫌怨而敦促和平亦多方讓步宣言直至兇勢
驚天於焉遽刻返奉籌畫抵制原期與國同仇豈知內憂將泯胡行途倉
皇遇變致長城折倒吾江省人此際銜哀追悼應如何感激歎歎

黑龍江總商會全體會董等

天地不仁頓令中華失巨擘

英靈如在欣看繼嗣有佳兒

黑龍江總商會

忽驚大星沉更有何人撐半壁

再造三省福競誇哲嗣繼前徽

黑龍江全體會董

托庇宇下已多年至今棟折榱崩慮將被壓

領袖國中惟此老胡遼人亡邦瘁空賦大招

吉林第一監獄典獄長 蕭際生

國步正艱難方冀旋乾轉坤永為蒼生造幸福

河山未奠定忽看愁雲慘雨忍教黎庶共含悲

吉林省議會

副議長 賈文凌

正議長 林鶴皋

副議長 程科甲

陟彼北山瞰江流奔放聽簫鼓嗷曹慨念一世英雄而今安在

瞻言東省觀環境風雲悵中原紛擾回思半生偉業去日何多

賈文凌

統治鎮中原竹帛丹青不愧英雄一世

大星沉遼左白山松水同悲義烈千秋